



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Narbonensi Et Arelatensi Archiepiscopis.

urn:nbn:de:hbz:466:1-20020

NARBONENSI ET ARELATENSI
Archiepiscopis.

Epist. 151.
De negotio
Comitis Tolosani.

* Vide supra
Pag. 346.

Veniens ad presentiam nostram nobilis vir R. Tolosanus Comes sua nobis exposuit questione se super processu Legatorum nostrorum multipliciter aggravatum, & licet bonae memoriae magister Milo Notarius noster gravia mandata eidem injunxerit, illa tamen pro magna parte se asserit implevisse, ad hoc quarundam Ecclesiarum testimoniales litteras exhibendo in quibus continebatur expressè quòd eisdem satisfecerat competenter, adiciens se paratum ad ea quae nondum impleverat sufficienter implenda. Unde à nobis suppliciter postulavit ut super fide catholica, de qua dudum, licet injustè, habitus est suspectus, indicta sibi purgatione legitima, in nostra presentia ipsum purgari ac demum sua sibi castra restitui faceremus, ne sub praestita cautionis obtentu in perpetuum illa detineri contingat in ejus praedictum & gravamen. Quamvis autem juxta obligationis ab eo praestitae formam castra eadem asserantur ad jus & potestatem Romanae Ecclesiae devoluta, cum multa ex iis quae sibi fuerant injuncta non curaverit adimplere, quia tamen non deest Ecclesiam cum aliena jactura ditari, nos eundem Comitem apostolica benignitate tractantes, de fratrum nostrorum consilio ita duximus providendum, ut propter hoc à praedictorum castrorum jure Comes ipse non decidat, nec ei obstet quòd quosdam subditorum suorum à jure ac servitio & debito fidelitatis absolvit si ea quae injuncta fuerant non impleat, dum tamen adhuc devotus adimpleat quae injuncta sibi esse noscuntur; cui ex eo quoque curavimus utiliter providere quòd terram suam illaem fecimus conservari ab exercitu Christiano qui ad expugnandum haereticos de mandato nostro processit, & per eundem adversarij ejus penè penitus sunt destructi. Quia verò inter ceteras causas quae ad apostolicae sedis magisterium referuntur, in illa est cum subtiliori examine ac maturiori providentia procedendum in qua de articulis agitur fidei Christianae, Legatis nostris duximus injungendum ut infra tres menses postquam litteras nostras receperint, in competenti loco Archiepiscoporum, Episcoporum, Abbatum, Priorum, Baronum, Militum, & aliorum etiam quorum praesentiam noverint opportunam, Concilio convocato, si ante completum Concilium contra praesentem

Vide lib. 16
epist. 39.

tum Comitem, quem interim ea quae injuncta sibi sunt praecipimus adimplere, super deviatione fidei orthodoxae ac nece apostolicae sedis Legati legitimum apparuerit accusator, ipsi auditis utrinque propositis, usque ad sententiae diffinitionem procedant, & remittentes ad nos causam sufficienter instructam, praesigant partibus terminum competentem quo nostro se conspectui representent sententiam recepturae, quòd si accusator non apparuerit contra eum super articulis antedictis, ipsi consilio prudenti deliberent cum qualibus & qualiter idem Comes legitime debeat se purgare, ut ubi oras est ejus infamia mortetur; & si purgationis formam ab ipsis cum Concilij approbatione provisam dictus Comes duxerit acceptandam, ipsi eam indicant eidem; in qua si forte defecerit, iidem, praefatis castris in sua potestate retentis, nobis rei seriem intimare procurant; id ipsum facturi si forsan ex hujusmodi forma indicendae sibi purgationis queratur injustè sibi imminere gravamen, & in utroque casu apostolicae responsionis oraculum expectetur; quòd si legitime se purgaverit, sicut ab ipsis receperit in mandatis, ipsi eum virum catholicum publicè nuntient, & super dicti Legati nece penitus innocentem, supradicta castra plenarie restituentes eidem cum ea quae sibi mandata fuerunt ab ipso fuerint adimpleta; recepta tamen super observatione pacis, ad quam se in perpetuum obligavit, alia idonea cautione; proviso prudenter ne propter malitiosas & frivolas questiones mandati nostri valeat executio impediri. Datum Laterani pontificatus nostri anno duodecimo.

Deest in hoc loco adnotatio diei quo data est haec epistola. Verum ex epistola c. lxxviii. videtur posse colligi istam datam fuisse v. l. l. Kal. Februarij.

EPISCOPO REGENSI, ET
magistro Thediso Iannensi Canonico.

Veniens ad presentiam nostram nobilis vir R. Tolosanus Comes sua nobis exposuit questione se super processu vestro & aliorum Legatorum nostrorum multipliciter aggravatum, & licet bonae memoriae magister Milo Notarius noster &c. usque fidei Christianae, volumus & mandamus ut infra tres menses post susceptionem praesentium &c. usque quorum praesentiam noveritis opportunam, Concilio convocato &c. ut in alia usque accusator, vos auditis utrinque propositis &c. usque ad sententiae calculum procedatis, & remittentes